

Quando Faventini luserunt, de mandato imperatoris in Broilo [A].

CAP. LVII.

Anno autem Domini MCLXV (59), mense Januarii, cum nominatus imperator venisset in Italiam, ducens secum infinitum exercitum, hospitatus est Faventiae in domo Guidonis et Henrici fratrum [a] [B], civitate tota cum burgis et villis plena Teutonicis [b]. Verum, quia audiverat Faventinos fore doctos ad pugnam, ut coram eo luderent, non tamen cum [c] armis ferreis sed ligneis, eorum praecepit rectoribus [d]. Cujus imperium Faventini die statuta libentissime atque doctissime mandantes effectui, domino imperatori atque imperatrici [e] nec non cunctis [f] non modicum placuerunt principibus. Mense vero february, in sequenti anno, apud Mutilianum [g] comitis Guidonis, peperit imperatrix filium Coradum [h] nomine [i].

* Cod. 2 * loco huius capitali habet:

Anno 1166^a mense february apud Mut. Coradum uxorem Frederici imperatoris peperit filium

a) corr.

Quando Imperator misit nuncios suos [g].

CAP. LVIII.

Anno Domini MCLXVII [h] (61), pro discordia, quae erat inter imperatorem Fredericum et papam Alexandrum, dictus imperator misit nuncios suos, scilicet abbatem Stalensem [i] et episcopum Liddensem [j] (62), ut facerent jurare omnes clericos sicut et laicos se obedituros [k]; et qui non juraret, exiret de regno suo. Tunc non juravit [l] Rainerbertus, Faventinus episcopus (63), et abbas Sanctae Mariae foris Portam cum monachis suis, die xviii [m] mensis february, indictione nona. [n]

[a] Guidonis et Henrici fratrum. Sic Codd. — [b] plena Teutonicis. Sic lego cum C. V. In C. M., plena teutonicis. — [c] non tamen cum, Codd. M. et V. Alii legunt: non tantum cum. — [d] praecepit rectoribus, Codd. M. et A. In C. V., praecepit ductoribus. — [e] nec non cunctis, C. M. In C. V.; nec non ceteris. — [f] filium Coradum, C. M., pro Corradum aut Conradum. — [g] misit nuncios suos. Videtur in Codd. aliquid hic desiderari. — [h] Anno Domini MCLXVII. Sic omnes codices. — [i] Abbatem Stalensem. Sic C. M. In C. V., Abbatem Staralivensem. Tondutius habet Abbate Stalivense; at Cl. Mitt. legendum putat, et quidem recte, Abbatem Stabulensem. Sed nominum nullam admisi in textu correctionem. — [j] episcopum Liddensem. Sic Codd. Tondutius legit Leodiensem; et sic legendum asserit Cl. Mitt. — [k] die xviii. Sic C. M. mihi legendus videtur. Sic quoque habet C. V. In Tondutii vero Historia est die xvii.

[A] in Broilo. Locus hic erat, tunc extra muros urbis, prope Anemonem flumen; nunc, intra receptus dicitur Santa Maria in Broilo, alias la Baroncina. Broilo autem, Broglio, aut Brolo, teste Muratorio, olim dicebatur locus muris cinetus, in quo vel prata vel plantae fructiferae colebantur.

[B] Hi fuerunt filii Alberici de Manfredis. Vid. Cap. LXIII.

[C] Scilicet Beatrixi ejus uxori.

[D] Vulgo Modigliana, oppidum nobile, decem ab urbe Faventia milliariis ad meridiem, inter prima Apennini juga, locatum.

[E] Obedituros, nempe Friderico et Paschali III antipapae.

abbate stalicense

epu leodense